

温州市图书馆

溫州府 國 文 館

明經鄭以笙先生予中表親詩人雪圃翁之嗣葦田君之先人也
之隱君子也隱於詩隱于酒而實隱于狂祖藉樂成雪圃公有著
作為儀徵相國輯入浙江詩存海內知名久矣先生幼稟異質承
家學於書無所不讀而尤工於詩鄉里羨之以為不啻瓌之有珉
悛之有贍焉性狷介不妄取與世居邑之城南風雨數椽饕殮不
給澹如也癖嗜酒每當興酣耳熱脫帽散髮仰天嗚嗚情之所至
發為詩歌為莊語為艷詞為悲憤不平之感為詭怪不經之談擲
筆長嘯自樂其樂人咸以狂目之先生亦自以為狂而不辭嗚呼

以先生為狂其所謂不狂者何人耶以先生為不狂其所謂狂者
又何人耶予生也晚不獲親炙於先生然嘗聆長者言耳熟議論
丰采舊矣今秋葦田出先生所著竹窗吟稿以示既受而讀之詩
不及百首而清新俊逸諸體具備悅心迷目如遊五都之市如觀
八陣之圖讀其詩可以想見其為人嗟夫若先生者其果可以謂
之狂耶其果可以謂之不狂耶且予聞先生日事吟咏隨作隨棄
不自珍惜此皆葦田於斷箱零篋中檢索故紙而得之積錄成帙
不足則以雪圃公之贖稿冠於卷首末復以已之近作附焉善乎
范喬泣硯識祖德於不忘賈至賦詩紹家聲於不墜夫以先生之

才之品得雪圃公以開其先復得葦田以繼其後風雅一門哀然
成集予特怪夫議先生者之不知分量也以是為先生解嘲先生
有知又當為拍掌狂叫浮一太白也

道光己酉仲冬月六日愚表侄胡玠書於棣萼樓之西窗

溫州

溫河市圖書印

容膝軒曠豪

章安鄭敷榮書

觀牡丹有感

仙質非猶俗天香自出塵倚闌如解語愁殺素心人

七夕

世人皆乞巧我意獨悲秋誰是知音者廣唵共爲愁

觀白蓮有感

亭亭挺秀見丰姿皎潔偏宜獨立時小院新涼微雨後一番幽韻更堪思



玉井清芬滿綠波
騷人羣唱採蓮歌
吾來已結青青子
欲拭仙香奈晚何

寄所思

綽約佳人絕世姿
留情終日恨遲遲
最憐無限傷心處
夜雨孤燈獨坐時

不盡憂愁訴與誰
挑燈惟爲斷腸詩
余生已入桃源路
恨不相逢未嫁時

寄內

月冷風微夜氣清
滿腔離恨一時生
應知此日深閨裡
同此蒹葭

秋水情

艷陽天氣晚來清
楊柳梢頭海月生
唯恨嫦娥偏最妬
夜深攪亂

別離情

咏秋柳

長堤春信綠陰多
無限紅顏學畫蛾
此日飄零秋色裡
不堪重憶

舊靈和

寄恨

夜雨催殘綠滿枝
尋思自恨獨遲遲
憑闌亦覺魂消盡
豈獨當年

杜牧之

七夕

碧落銀河萬里秋
時看織女會牽牛
神仙亦有終年恨
漫說人間有別愁

戲贈

自從簾外接溫柔
不見芳卿已數秋
今日相逢重顧汝
依然猶是舊風流

春夜

右調搗練子

梅月靜竹風清
酒冷香消夜氣深
花影重重春寂寂
倚闌歎聽杜鵑聲

龍山登眺

魏：古塔壓崗巒，放眼長空壯。大觀海市蜃樓空，裡見野雲山樹。
畫中看層波，萬里通荒甸。紫氣千重護，曲闌遙望鳳凰山。峙秀浩
沉羣藉砥狂瀾。

和沈秋湖元韻

睡覺南牕下，晚來詩思新。三秋無俗事，一醉了浮塵。對菊添幽興，
吟詩憶故人。安居聊自慰，藏拙且葆真。

贈江西哥者龔廷瑞和沈湘水元韻

丰姿如畫復如仙，唱徹陽春倍悄然。睡足海棠含宿雨，嬌生桃瓣

落輕烟紫簫細轉歌聲滑彩袖新斜舞態妍塗抹胭脂千古恨令人惆悵憶當年

輕盈體態惹情多腸斷當筵一曲歌坐我春風唯有笑照人秋水欲生波霓裳隊裡來仙子錦繡場中列翠娥行樂及時君憶否最憐風月易蹉跎

乙未歲六月寓水鏡亭阻雨

一雨淋漓苦未休閒居寂寞似窮秋破愁有計頻賒酒排悶無權怕倚樓萬里山河雲遍起高低阡陌水爭流何時燕雀林間噪高掛歸帆一葉舟

和友人琴溪山居元韻

只愛名山堪小住，四圍聳翠擁柴門。
松牕宿霧朝疑雨，石徑留雲夕易昏。
不去勞形神自逸，為耽山水境無喧。
春來別有清閒趣，獨把新詩次第論。

閒居

年來吾縱愛吾廬，抱膝終朝不自娛。
俯仰千秋空壯志，徘徊三迳老迂儒。
偶頃濁酒因蠲忿，且讀殘書為破愚。
自此遂忘心境窄，抗懷願與古人徒。

送春

留春不住送春歸獨立無言對落暉
花塢香消埋一逕玉堦塵暗掩雙扉
祇愁夕照辭離席且喜東風戀袂衣
珍重明年尋舊約不妨此夕暫相違

峴山登眺

峴閣勢崇隆登臨四望通
風來波浪急雨過海門空
日落千山外帆歸一鏡中
眼前無限趣領畧與誰同

再游上洞寺

去歲曾游此今朝卜再登入山疑絕
步穿竹忽逢僧日色千林散烟痕萬壑凝
狀元遺墓在憑吊意峻嶒

牡丹

金谷芳姿淡艷妝
賞心詞客泛金觴
寄言錦夢須重莫使臨風蝶
蝶狂

白牡丹

輕盈素質羣相誇
斜倚銀屏不染瑕
雅淡自然超凡卉
羞施脂粉鬥繁華

雲江晚眺

長江一帶抱城流
萬里濤消萬古愁
乍聽雁聲驚作櫓
旋看蜃氣結成樓
潮平一艇橫江去
風定千帆拍岸收
吾欲乘槎天已暮
未

知何處是瀛洲

月夜聽琴和沈湘水

空庭小坐獨披襟
忽聽隣家理素琴
古調遙傳殊隱隱
餘音微度轉沉沉
清風明月閒中趣
流水高山塵外心
昔日鍾期難再遇
可誰復是知音

和友人歸燕元韻

終日啣泥繞竹扉
今朝何事欲相違
五更霜冷辭巢去
一夜風寒謝舊歸
小院不聞雙語細
疏簾旋覺巧音非
君如不爽明年約
那屋春來復汝依

書懷

才疎不嘆遇無成
日向尊前醉復醒
惟有菴廬堪避俗
奈無知己語生平
人情變幻真堪笑
世態紛紜莫與爭
舊事重思真若夢
白髮蒼狗已成更

閒日口占

無才不敢望京華
結得菴廬似野家
三徑有花塵自淡
一秋無事興常賒
聊將絲竹延新月
且對峯巒看晚霞
從此安居真得所
詩成好友共婆娑

和友人鑑湖新秋

秋聲昨夜到柴扉，便覺堂前燕語稀。
一葉梧桐鶯墮砌，半窗風雨欲添衣。
多情宋玉初嗔恨，久客張翰始望歸。
萬樹綠陰從此逝，倚闌憑眺對斜暉。

對菊

去年曾種菊，今復滿籬東。
幽艷誰與比，高情世莫同。
臨風懷庾叟，對酒慕陶公。
領畧寬閒地，悠然興不窮。

漫興

不貪名利復何求，睡覺南窗枕簟幽。
惟有白雲閒以我，更無紅樹勝於秋。
山深自覺人來少，性僻唯知酒作儔。
獨坐小軒長嘯傲，詩

成消盡舊離愁

登峴山偶作

乘興躋層巒長空次第看
山湖浮秀氣天地縱奇觀
林密秋聲鬧江澄雁影寒
憑高無限意不覺夕陽殘

江上晚行偶成

江頭斜日掛疎林
唱晚漁翁鼓棹吟
聽得離人愁欲絕
江南江北暮雲深

峴山晚眺有感

攝衣步步快登臨
放眼亭臯秋氣深
萬壑松濤歸逸興
滿城煙雨

助狂吟回思往事如流水遙憶交遊愧約金今日天涯無限意憑

高聊寫別離心

春夜懷人

杏花零落點苔痕柳絮飛顛狂度曲垣惆悵懷人獨不見滿庭風雨
又黃昏

平頭微鬢無尋處
此語有幾林松閣

不食靈藥仙骨輕
此筆有神在墨間

淡雨遙飛
晴窗覺人來
夕性似唯知酒伴
倚窗
對長
晴窗

研農詩藁

章安鄭 均以笙著

中秋家宴

團欒影照團欒會快意當前合放歌
癡極最憐兒女話今宵月色
自家多

聞雁

白蘋霜冷夢偏幽紅樹風高響自正
流豈是江南風景好知君亦為
稻梁謀

過釣臺懷嚴子陵

生友漢先武死友謝皋羽一個羊裘翁高風足千古

出門

丈夫志雄飛秋風鷗鷺起迫我賓興期匆匆整行李程途經風歷
一一堪指擬括蒼萬疊山錢塘三折水辭親出門去千里自此始

采菱謠

菱女慣搽丹菱童素善謳菱歌廣四起菱實鬥多收采得菱兒歸
去後滿湖菱葉水悠悠

于忠肅祠

不有先生日幾字又靖康警聞來土木定策固金湯韜畧軍容整

絲綸相業先空嗟徐石輩護口鼓如簧

岳武穆墓

三字冤成獄魂消片紙中朝廷甘弱小兒媚信英雄樹亦能知義
泉應許號忠遺文增慷慨一闕滿江紅

望卓岳山吊卓侍郎

前峰拔地勢參天芙蓉一朵矗眼前衆山羅列皆仰企又如偉人
特立白雲巖旁人指點此山名得名乃自卓忠貞事在前明鞞甲
午金川門入北平兵徙封始服公先見周公竟據成王殿戶部侍
郎慟哭來血泪直濺新君面詔下公獄論公死慷慨從容就東市

殺公只為識公深三十年來一人耳遺骸未許葬故山一夕忠魂
故里還徃徃正氣相摩盪靈旗獵獵松楸間嗚呼地老天荒會蝕
剝惟公之名壽山嶽君不見當年三族啣冤無噍類今日青山尚
姓卓

偶吟

作仙也要作頑仙管領春風玉洞邊一樹桃花供一笑等閒又度
弑三千

反遊仙

層城闔苑知何處縹緲何曾見十洲偏是人間風景好神仙愛醉

岳陽樓

偶吟

偶學東方割肉歸山妻笑說非初肥呼兒再糴桃花未質庫剛完
一摺衣

月下松扉夜夜開
窻間書版亂成堆
犬兒莫漫更添吠
豈有偷兒
郭象來

感懷

燕趙悲歌慷慨聲
唾壺擊缺意難平
爨桐那計收焦尾
飲酒惟憐
老步兵
往事茫茫蕉鹿夢
流光忽忽草蟲鳴
茆齋風雨聞雞夜
綠

鬢愁添雪幾莖

書沈桐威先生諧鐸卷後

不比尋常小說名苦心覺世寓文情人間多少模糊事却被先生
說得明

一味恢諧多涉戲頭巾近腐亦非宜平平寫出非非想別燦生花
筆一枝

文人筆墨忌依稀神似何妨貌竟非試把聊齋比諧鐸蒲松齡後
沈桐威

鍾馗哥

綠袍鞞笏者為誰云是終南鍾進士當年入夢朝明皇為生特詔
吳道子從茲虛耗職驅除鬼若遭之鬼要死大鬼小鬼唬啾惆惜
哉徒能食兔耳太液池頭喧洗兒豬龍揚波汨禍水此罪豈止竊
香囊公胡縱之公曰不爾馬嵬帛豬兒刀微我無劍不盾齒

由北湖至本寂寺

出郭二三星青山儘見招蘋花秋岸淺竹影寺門遙緩把吟鞭着
閒將畫本描山僧元舊識邀我坐僧寮

和李皆木採梅元韻四首錄二

路入寒沙逕轉迂
白雲堆裡重躊躇
回頭記取來時路
細認溪橋

第幾株

欲折清芬挿帽斜一枝選好在林樞攜歸山館供清玩敲石呼童
煮雪茶

同友人遊陶峯

出郭尋幽才里許前峯秀削列如屏直從黃葉西風路小憇青山
夕照亭濤接萬松翻別岫江空一雁落遙汀憑闌笑說渾忘久携
手歸來已戴星

籬下菊

黃花照眼轉沉吟不為秋光逐漸添傲骨素無依傍意寄人籬下

亦何心

病後艱於步履賦此自遣

病後足踣跚行行必杖策所行一室中天地為狹窄夫豈戒躡等
母乃甘自畫從今學步莫嫌遲得寸則寸尺則尺

聽蛩

余亦吟秋者因君興不賒秋聲并此夕秋思落誰家簾外風初定
樓頭月漸斜王孫如有意慙共惜年華

七夕

河緒情千尺眉痕月一灣神仙兒女事天上亦人間

書楊忠愍公傳後

太息鋤奸疏言危字字森一朝埋碧血千古照丹心
北寺風香鎖西曹月冷琴遺編資報國豈但重儒林

枕花居詠菊

閒來晨夕倚闌干酒色天高露氣寒心淡忽驚秋
卉艷花開好當雅人看一枝既我悠然會晚節
師君到處安今日輞川圖畫裡老

陶潛許築詩壇

七截四首

月下精神風際韻一枝採曳一枝斜
主人培植工夫到今日能開

爛漫花

倚遍闌干為看花豈耽冷淡厭紛華悠然貶我南山句陶令文章

自一家

誰知風味勝陶家雪樣詩箋護碧紗沒極不嫌添熱鬧花棚日夕

醉流霞

奪取天邊五色霞園林着意綴奇葩主人雅似王摩詰寫到秋光

興倍加

示同學諸子

慎勿恃年少百年一瞬耳慎勿畏學難九仞一簣始期效戒太速

用功忘中止邁徃直無前從容徐以俟譬如氣候到花開自結子
觀書從疑入作文先求是諫非甘苦言其理固如此

宿巖泉

一燈照夢酒人家行路關心亂似麻七十二灘纔過了明朝又欲
上桃花

秋闈報罷

又落孫山可奈何一尊瑁鑠且高歌人間花樣翻新甚吾輩生辰
偃蹇多青鬢無情爭絨月白鷗有約泛烟波自憐那似桑維翰風
雨還將鐵硯磨

題趙邑侯公餘消夏圖奉次元韻

繪得林亭傲八
憑依然小坐致清娛
已看懸照真如鏡
何必招涼
別有珠花底放衙
琴鶴靜闌邊送目水
處桐陰合
託取甘棠三兩

陸沙廣文采芝圖贊

采采芝草一翫識禎祥
兆具曠達風以先生為隱
而先生謂
隱不可充以先生為宦
而先生謂宦不必工
孺然眼界柳綠桃紅
悠然胸次海濶天空

觀釣

柳塘閒立觀垂釣春水桃花如許深怪底魚偏貪餌出一竿烟雨
動機心

吳山登眺

振策吳山頂晴空豁遠嵐江湖環左右州郡甲東南屋俯萬家白
天高一色藍秋風徐引步古蹟忘幽探

題霞陽館壁

自愧微材漫設科朝三暮三閑堂多縱言桃李元耽笑欺着東風
一味和

遣懷

咄咄書空怪事多無聊徒倚奈愁何舉頭空濶天難問失路英雄
事屢磨詎有帖臨堪乞米祇憐門靜可張羅移尊日就黃花飲取
次東籬一放歌

詠菊

奪得天邊五色霞偏從三迳綴奇葩豈因陶令纔千古自占秋風
第一花此日園林憑寄跡前身詩酒是生涯為君寫到多情處留
取清香護碧紗

長相思

長相思明知無了時長相思可憐儂與而望月月不圓看花花亦

癡蝴蝶今並樹鴛鴦今共池
蒼蒼者天皦皦日好事多成
成多遲

題畫紅綠梅花帳額

夢回紙帳已春風
破臘花開睡眼中
髣髴羅浮僊境界
雲邊能綠

雪能紅

登江心浮圖

置身忽訝迴超羣
十載仙凡一旦分
四面縱觀曾盪海
七層直上足凌雲
魚龍影裡饒秋興
鐘磬聲中駐夕曛
歸向雙忠祠下過
愛摩苔蘚讀碑文

阿紅行

阿紅字丙文枕花居之守狗也性兀暴食之不如意輒掉
頭勿顧蠢物也而何以獸靈俗物也而何以獸雅夫豹則
君之鹿則翁之援例而名之字之且以愧夫世之甘心狗
苟者
楚人沐猴秦人指鹿英雄奸雄俱碌碌漢狗乎臣齊狗乎士隱忍
功名迺如此狗乎狗乎爾獸殊爾毛蒙茸雖非狐爾聲如豹尤豪
粗爾狀短小爾性孤不齒旅獒何韓盧上蔡門昔辭李斯華子罔
今依王維摩錫嘉名呼能知易名以字寵異之眠爾蕉陰花陰時
但聞剝啄無嬌癡恐驚有客來談詩

詠蘭次張壽山東翁元韻

分得湘江種幾蘼
花開時節賞心同
半簾雅淡垂之外
一部離騷
葉葉中寫意却來楊柳月
聞香並遞芰荷風
謝庭真個佳如此
知是人工是化工

館中即事

童冠春風年復年
客窓仍自手丹鉛
論文舊雨還今雨
遣興花前或酒前
徃事何須空咄咄
壯懷那許負便便
韶光容易成遲暮
努力雲衢快着鞭

送戈金門隨心陽先生之省試

送君時節正槐黃此去登瀛意氣揚千里湖山隨杖履一家義獻
擅文章肩輿衝曉桃花過客路吟秋桂子香看取禹門龍變化鯉
魚風裡渡錢塘

祝張大綸明經七十一壽

鳩杖逍遙弒月深孔顏樂處費研尋只今齒德尊鄉國自昔聲名
重藝林尤老會中宋李取五經坐上漢劉歆一尊持祝南山壽絲
竹筵前奏雅音

秋日感懷

懶過黃公舊酒壚不知意事竟何如一身剩有長負骨半世全無

稍熟書秋水搖空設薛燭悲風繞樹泣羣魚填膺自抱終天恨
沒盡浮雲任毀譽

人生三萬六千日雪案埋頭不計年名士惜身如處女英雄退步
是神仙烏鳥湯唱鐙前曲徃徃憑逃醉裡禪自分此身何所似最
高枝上一吟蟬

石門懷古

此間天為郁離開斷碣殘碑卧草萊如此好山如此水如何一出
忘歸來

舟宿富陽

垂楊垂柳洞橋邊
一派歌聲九姓船
未識此身元是夢
今宵翻向畫中眠

由白堤至藕堤

勾留吾亦去遲遲
回首孤山路漸離
秋色忽分湖裏外
卧虹界破碧玻璃

湖上懷韓蘄王

騎驢十載足徜徉
明聖湖頭酒一觴
熱血滿腔無處洒
誰教居士號清涼

新筍

春風幾日長
貓頭雅甯輕
携次第收一
逕近隨苔蘚
迸千山曉起
露華幽裊參
玉版曾蘓軾
况到金苞又
陸游興燕同
來來已晚江
南雖好讓東
甌

新茶

三月山農米
擷忙雨前火
後重頭網誰
家焙試紅泥
灶有贈封題
綠箬筐收拾
雲腴消飲癖
安排風味助
吟狂一杯纔
為茶神荐入
注應歸第一
行

湯遣

余信悠二者
平生但苦吟
詩書常到眼
貧賤不經心
興至三杯酒

閒來一曲琴古人張九日曠代是知音

肯易平生志寧甘世事疎說山憐氣爽寫竹學心虛最羨梁鴻案
胡嫌庾信居吟成聲變徵風雨壓荊廬

自箴

氣不可不平心不可不細氣不平則暴而矜心不細則窒而滯古
聖賢養氣養心理洞識卓道廼濟不然夫人儒者流高談仁義仁
義弊

且自

且自掩荆關寧耽石隱閑人心深似海世路險于山咄二嘆殷浩

空二讓魯班春先看漸老把卷一開顏

洪鈇人屬書詩扇戲呈一絕

嗜痴有癖渾忘癖題扇何能勉強題草二塗鴉如不厭應憐押尾
少芝泥

泮池荷花

豈但亭二高出水一枝二自漾文瀾連番擢秀占名士別樣招涼
傲熱官玉井荒唐無處覓西湖爛湯等閒看何如芡藻相輝映初
日爭妍露正團

秋山即事

不借雙携踏翠嵐行。且止坐秋潭。招人崖桂，翫人放欲，折歸來。
看滿籃。

揀田歌

布穀布穀爾啼我歌。但願一犁春雨足。不辭戴笠與披蓑。兒童跳
躍學叱犢。餽餉老翁。偃僂過老翁。自言田種多。纔揀早禾補晚禾。
奈欲少歇。奈時何。

讀明季史

內廷嬉戲俸圖艱。萬事因循萬歷間。枋政八年三親帝。可憐憂國

葉臺山

事到熹皇不忍論
偶談客魏尚聲吞
君王自解龍舟纜
無復人知天子尊

望斷平安火一星
大荒披髮涕橫零
思陵自醉烏程酒
未到煤山尚未醒

代祝葉翁雙壽三十韻

五福壽為先
齊眉信罕然
堂開雙七十
座列兩神仙
華髮輝相映
同心譽並傳
靜耽鴻按樂
高慕鹿門賢
閱歷襟懷拓
優游歲月延
閒行花徑裡
小立鶴闌邊
簾押黃銀蒜
瓶支碧玉蓮
琴床茶鼎地
養竹種魚天
圖史按元圃
池亭仿輞川
經營饒雅致
枕簟得真銓

每切分荆戒頻施舍麥緣知交菌可指勇義券曾捐敦行能貞素
馨聞致慕檀汪汪千里曲嶽嶽萬峯真仰止喬門峻容與福履綿
家人風火吉孫子鵲婢聯繞膝休徵會含飴樂事偏阿宜還阿買
僧綽復僧虔馨起黃香扇聲騰祖述鞭才皆通菽畫技竟擅楊穿
蘭桂當堦秀風雲入戶妍東山娛老境南斗燦華筵瑞靄椿庭上
祥飈蕙寢前鏘鏗蕙瑤珮熠燿瑩鏐鈿繡幙香圍鼎銀槍酒送船
瑟瑟扶杖奏中悅傍弧懸白傅歸林日曹家續史年問春將欲半
見月總宜圓碧草迎暉煖紅桃帶露鮮此時齊晉祝萊絲舞蹁躑

三十自紀

風雲變態任頻頻，
我獨窮廬三十春。
自分踈狂難涉世，
敢云貧賤輒驕人。
得錢便買花前飲，
種竹貪看雪後筠。
畢竟天工傷惠與，
僅教罰作苦嗔身。

四十自紀

瘦同沈約減腰圍，
鬢畔霜華鏡裡飛。
悔聚六州曾鑄錯，
幸先十載已知非。
能言鸚鵡艱香稻，
出世蜉蝣戀雪衣。
九歲失怙嗣王父母相繼逝，
世一事自憐轉惆悵，
酸醜嗜好與人違。

五十自紀

人到中年萬事休，
余惟倔强不知愁。
行詩樵擔憐翁子，
火色猿肩

羨馬周老屋三間憑促膝殘書一卷任埋頭從茲排日商行樂月
白風清酒滿甌

六十自紀

平頭莫亥鬢飄蕭駒隙光陰去日遠老境漸來如落葉雄心未退
似殘潮蘓門嘯傲携雙屐顏巷栖遲寄一瓢自分差強人意處舉
杯不是為愁澆

閒與山荆話寂寥由教不厭手頻招析薪王霸傳經拙戲蠟僧虔
學語嬌貧賤久安惟一硯昇平親閱已三朝春光滿眼還乘興貪
看梅花過野橋賤誕正月

次催桂元韻

此花端的月宮花容易何如肖着葩料得未開開更好一枝醞釀
在君家

郊行書所見

青衫紅笠信悠哉趁着東風得得來茅屋誰家門半掩桃花亂倚
竹籬開

初月

波心纔漾碧山額漸勻黃無限姮娥意微微啟鏡囊

中秋翫月

一鏡瑩之掛碧空當頭爭仰廣寒宮老夫高興千盈少此夜清光
萬里同畫意半簾蘭葉露詩情兩袖桂花風二三知己開懷坐遠
旦胡床笑語中

祝南洋吳芳圃五十

杖履優游五十年果然行地有神仙家聲共仰燕山桂人品交推
玉井蓮陶令有田惟秫種鄴侯無架不籤懸欣看夾祀萊衣舞絲
竹盈庭樂事偏

咏菊

一枝枝送好詩來酒色天高花正開
閣筆平章誰伯仲風前蘭蕙

雪中梅

次冷翁元韻

吾家舊物一青氈用舍窮通聽自然有分讀書關福命無緣涉世
賽神仙啣杯肯負花前月煎茗頻燒竹裡煙何日從公游五岳好
携詩句問青天

閒居雜詠

石屏風下夜初長明月如霜照滿床好夢正酣眠正熟忽驚被底
折鴛鴦

果否揚州有代人妄言妄聽莫疑真如何誤學金滕者強派周公

作替身

縹緲黿峰灑渺波
西山氣象舊如何
而今添得新亭子
月白風清鬼趣多

城隍廟裡會紳衿
揭諦摩訶衲子音
莫怪儒名還墨行
祇憐佛口尚邪心

八十年華一副車
算來名壽也非低
憐渠白髮枯楊似
筮易還思得女妻

枕上口占

布衾如鏡寒如許
風利霜嚴勢倍增
若使臣心真似水
今宵早已

凍成冰

姜維

正名伐魏出川中九次徒嗟畫餅功人自為劉天厭漢莫將成敗
論英雄

枕花居夜坐

①

半簾菊影月初上四壁蟲聲雨不如此景此情誰共領夜深獨坐
枕花居

王茂泉行樂圖

舵尾琵琶不少停一聲響蒼玉瓏玲多情着意彈流水要與芙蓉

楊柳聽

枕上口占

輾轉夢難成
醮樓鼓四更
心尖蘿蔔火
甕算到天明

題畫美人便面

爲得輕盈態
纖腰一搦中
知君情自重
莫遣怨秋風

贈蔡大遜谷

隔溪樹、放深紅
春在詩人五
故中晴雨關
心勞燮理好
從花國拜三公

東蔡遜谷

青巒掩映綠灣環紅樹中藏屋數間人物清華蕭穎士詩情圓妙
白香山相造不道成今昔乘興惟期互往還從此硯遊欣得主安
排風月好消閑

余夢一青衣道至一所亭臺壯麗水木清華先在者數人冠
服悉今鬚眉各古手一編示余曰此雲龍考也藉子校讐
醒後援筆志之并繫以詩

自領頭顱未肯閑流光容易讀書難夢中一卷雲龍考分校曾隨

名士班

挽王茂泉東翁

才過中年已白頭滿堂然竹黯然收豪情俠氣歸何處知在蓬萊

第幾洲

秋風時節證神仙可有人間再見緣昨夜高齋燈影下一聲鶴唳
訝君旋

四年前恨識君遲今日翻成永訣時從此一罇愁獨醉酒腸芒角
有誰知

次菊花元韻

為訪秋花偏且甌十分爛漫此句留幽闌曲檻饒香韻淺碧深紅
綴繡毬處士當年輕富貴主人晚節傲王侯名園坐對成吟後笑

指南山當壽籌

戲贈

春風春雨養花遲
芳草如烟二月時
放下一雙紅豆子
為誰辛苦種相思

壽內六十

梅花香噴酒香邊
巾幌懸庭月正圓
餘慶倘邀天地福
深情只望子孫賢
呼庚伴我曾三日
週甲輸卿尚二年
莫怪閨中人易老
添將白髮倍增妍

秋闈報罷

枉逐槐花一度黃
西風蕭瑟促歸裝
今我故我都休問
依舊頭銜
署酒狂

尋思何敢哭
劉蕡得失胸中早判分
自笑自嘲還自解
原來吾命
醜于文

歲暮留別張壽山東翁

歸思夕陽邊
臨歧一悵然
百端縈別緒
三疊奏離筵
晴雪梅花路
孤雲野鶴天
多君能不厭
下榻訂明年

秋夜偶成

夾雨響颼颼
涼風報早秋
客衣單且薄
庭院靜何幽
燈欲先人夢

蟲知替我愁閒尋消遣法磨墨點紅樓

諸同學請作柱聯得夜雨十字因足成一律

誰笑邊韶懶元龍氣自豪但愁潘岳鬢不恥仲由袍夜雨琴言潤
春風竹意高高齊客抱膝吾輩豈蓬蒿

反昭君怨

馬上頻彈出塞鴻穹廬一到自春風當時競賄毛延壽多少紅顏

老漢宮

陳初亭商山采芝遺照

前身本是一神仙人世道這年復年眼底浮華看已厭萬峰招手

返雲烟

芝草氈生石磴春携僮荷鍾往來頻而今添得商山侶四皓居然
有五人

初到鼇峰書院口占一律

振衣步步躡峻响挈伴登臨及早春蜃海汪洋看不足鼇峰縹緲
畫難真風聲挾浪都歸樹嵐氣和雲半濕人行到講堂分坐定果
然此地隔紅塵

館葦塍作

今年借得小樓居淨几明窓稱讀書柔日春秋剛日易不知老至

樂何如

繁華過眼總雲煙
揀架牙籤閱
誠年自分此身如老蠹
輸他三食

字神仙

送張都閫祐之任玉環叅府

挽公無計送公時
笑折梅花當柳枝
畫角一聲三疊曲
教公馬上

意遲遲

銀刀小隊出江城
一路風雲擁去旌
為語木榴諸島嶼
張桓侯最

善談兵

竹枝詞

傳來別院響丁東玉磬金鈴約畧同最是動人詩思處一簾風細

月明中

輞川風景都宜畫摩詰經營事幽路上人從墻外過大家爭羨

小紅樓

葛越初兒蕉葉扇鴛鴦帶子鳳頭鞋日長睡起烟茶罷女伴相邀

鬥竹牌

學醫有感

邇來也學品君臣寒熱粗能識病因架上古方翻欲編總無妙藥
可醫貧

凝思小坐細研螺宜稱誰知可奈何還是鏡中人不妬朝：教我
畫雙蛾

東風吹送讀書聲拂柳穿花試步輕郎似知儂來竊聽鴛鴦兩字
故分明

小鬟鬥草小園閑手把筠籠得：來拾得宜男渾不識向儂絮絮
要儂猜

雙：尋夢上花枝鳴者前飛雄者隨向道唯郎癡似我誰知蛺蝶
比郎癡

黃昏同上小紅樓煮茗添香話未休郎但有心儂便解與郎燈下

戲藏鈎

菊婢

一枝枝染露華新開向東籬別有神孤負淵明擡舉意不堪位置
作夫人

種菊

風雨逍遙地閑花種幾株為秋培種子因懶得工夫迳裡前身似
齋頭俗韻無君看人力足綠葉已紛敷

戲咏魁星

相公之貌何其醜腹中文字般般有倘教無錠復無斗一枝筆西

抹東塗也難糊口

聞箏

何處砑裾上箏聲
通嬌音留不住
多事是秋風

有感

模稜度務欠分明
峭厲廉隅舉世驚
我豈執中同子莫
展禽和濟

伯夷清

元日書懷

世態人情幻似雲
白衣蒼狗日紛紛
須知萬事皆由命
沒法承家

但儉勤

志氣消磨骨氣存
夕陽未必遜朝暎
眼前有子多頑鈍
一片癡情

高抱孫

壽薛純夫五十

我亦中年一酒徒
羨君強健且歡娛
向平婚嫁完心事
安石園林入畫圖
風雪梅花驢背路
烟波桃葉鴨頭湖
人生行樂常如此
除却華胥總不如

石門謁劉文成像

流水高山一徑幽
先生抱膝此優游
身當元季干戈際
名動高皇幣聘求
勲業不殊周尚父
神仙却讓漢留侯
吾來今日瞻遺像
如

見當年榮運籌

燈下閱同學諸子課藝

挑燈夜夜役精魂反覆尋思仔細論一字遲回纔下筆祇防人笑謾金根

平陽葉先生枚屬詠貞節周母詩賦此應命

貞吉何如石與金綱常義重即恩深藁砧地老天荒日麻經冰寒玉潔心每念慈烏資反哺欣看孝笋已成林他年列女應添傳彤

管先教頌德音

題照為王晉槐作時年才弱冠

右軍家世右丞居白也襟期點也衣笑指闌前春共少一行楊柳

正依依

郭汾陽

望重唐家社稷臣兩京手復雪蒙塵笙歌滿院聊娛老善處功名

第一人

有感

才盡江淹筆已枯一雙老眼漸模糊平生不肯藏人善爭奈迎人
善氣無

即景口占

繞榻風輕面面生
午時花氣入簾清
愜人梁上呢喃燕
似效兜曹

誦讀聲

出門一笑興悠然
行徧村墟已暮烟
此地奈無碑可語
杖藜聊復

俯流泉

夏日漫興

箬笠棕鞋葵葉扇
葛衫容與信悠哉
綠蕉影裡尋詩去
紅藕香中放棹回
為愛晚涼初得月
却宜小雨乍聞雷
聞雷間、豆架瓜棚
畔長日如年買不來

桃花

地方

抵陸奧灣其甚屈曲惟中間僅有能登半島突出東抱富山
灣南挹舞鶴灣而已此外四圍九州海岸亦多曲折島嶼
有淡路島在大阪灣西有鹿兒島在長崎南有平戶島在長

崎北

千葉位東京之東據東京灣東岸有專門醫學校福島當
東山鐵道要衝釜葉七盛仙臺位福島之北形勢之雄
為東北第一鐵道四通商葉磐昌新瀉位信濃川口為通
商埠橫濱賀當橫濱之南扼東京灣口為日本第一海軍重
鎮有海軍鎮守府造船廠海軍機關學校等靜岡當東海

物產

鐵道之衝南況發成盛名古屋古兩京向鐵道之四集亦幸良焉
京都之南古未建築遺物甚多京都府即西京也福岡在九州
有医科大學平戶島在長崎西北為古昔為我國通商地之一

日本畜養盛生絲之產額次我國而位世界第二漁業極昌北海
道有大漁場為世界三大漁場之一工商業頗旺物產甚多皆
精巧美觀織物輸入我國不少鑛產為銅位於世界第六

在英西里澳智五國之下煤之產額為東洋第一而品質不佳

近年竭力撥取我國奉天者之本溪撫順海洋島及各地之煤鑛焉
其缺產不足用我國大冶鐵鑛所出輸入彼國者不少琉球產額

艷質移應自楚宮此花端的有誰同
昨宵數點胭脂雨染出春光
一樹紅

村中探梅

幾枝搖曳酒人家似雪如烟竹外斜
矮屋貼山籬半繞小橋流水
路三叉放懷塵世心初淡照眼癯仙鬢已華
欲把吟鞭何處去晴
烟浮動起寒沙

偶吟

自憐頭腦大冬烘慙媿比臯
課讀功白日閑堂供一笑夜窻燈火
漫煨紅

賞菊限王字代作

為尋花徑到柴桑花底還邀醉索郎兩度金樽傾雅意四圍銀燭
照秋光幽闌曲檻隨宜置淺碧深紅別樣粧若使春風饒此種牡
丹未許獨稱王

瓶中芍藥

闌珊花事快重新婪尾花開別有神四月翻當堦下艷一枝揀補
案頭春香憐綠幕圍偏靜色如丹鉛染乍勻坐對忽然思守口古
來相謹戒多人

歸自上埠作

挈伴携羣訪輞川相逢摩詰主人賢
談心舊雨還今雨不聽雞鳴不肯眠

通宵拇戰決雌雄琥珀杯搖燭影紅
酒量何人寬似海阮江東後

薛河東

雨餘烟靄尚紛紛
隱隱遙山刺夕曛
行到江頭潮正滿
一枝柔櫓渡飛雲

張簡齋公像贊

矍鑠哉翁行氣如虹
匪直氣充惟德之豐
煦冬日日扇春風
風口碑載道福祿來崇
吁嗟乎今之人孰如公
其諸求之古人之中

岱石蔡先生屬訂詩稿加墨甫畢偶得二截繕呈代東
手握生花筆一枝雕鐫肝腎竟忘疲新詩傳寫爭先購又見雞林
紙貴時
騷壇彈壓幾偏裨五字長城大將旗吾輩望風齊頓首祇慚曹檜
等萬茲

有感

纔聞玉折已心驚洪君旋報蘭摧倍愴情鮑君亦售太息才人頻應召
玉樓天上又新成

題蔡承甫社長試帖詩卷後

風月精神一集都唐師李杜宋黃蘓吟來柳絮年年雪課到梅花
字字珠應有有應無無吟髭撚斷破工夫任他廿四司空品儘
向君家腕下趨右調思佳

燈下口占

賣文糊口住愁城文債完時館課清好把吟肩山字聳濕衫一領
脫來輕

題鰲峰館壁

盈門桃李待培栽一片婆心莫見猜那有輕船容重載斷無短馭
屈長才文章詩律從平入聖域賢關逐漸來尺護求伸魚變化慕

然聽取一聲雷
是日聞雷

自題小像

一身分作兩人身
若個廬山面目真
到底窮愁吾累汝
簞瓢共度

六旬春

合署頭銜竝酒狂
鬚眉爭奈各如霜
算來一事終輸汝
汝自閑閑

我自忙

歲暮感懷

歲月匆匆等逝波
雪泥鴻爪印偏多
無碑可語方惆悵
半奈秦皇
沒字何

絳暮留贈吳芳圃

此身自分似閒雲去住無心不待去亭短亭長剛十里何須惜別

悵離羣

交情淡二味偏濃詩酒談心俗絆空料得與君分手後夜添誰共
一燈紅

咏雪

凍雲靄隼壓檐牙六出紛飛整復斜滿眼詩情兼畫意園林無樹
不梅花

落蘓

清絕園蔬不在奇
花開小朶葉紛披
種當春雨休嫌早
摘到秋風詎厭遲
露氣盈心滋曲徑
烟痕淡心護踈籬
闌干首宿添蕪味
却與先生饌最宜

夜雪

寒氣逼園亭
紛雪未停水光成
近黑山翠失
遥青有影惟憑者
無聲不任聽
梅花燈下艷
含笑在冰瓶

題畫蘭竹便面

茂叔愛蓮淵明愛菊
穆如清風惟蘭與竹

重陽日雨登高不果賦此自遣

九日可無詩詩人竊笑之登高因雨懶看菊為霜遲靈運問雙履
淵明皺兩眉重陽今載展佳節不妨移九月是載閏

次詠菊元韻

杖履香圍錦段聯主人花下夜忘眠金風寫出枝頭韻露氣涵然

月浩然

酒色天高花正妍花棚買醉費青錢為公載詠南山句管領秋光

年復年

食菜口占

清齋隨分過朝昏箸上烟痕又雨痕腹似華元膳正好就中恰闌

一唐園

清明有感

人山人海罪人多
枷鎖郎當逐隊過
天子聖明神正直
其如羅網

自投何

其如羅網自投何
白日青天著睡魔
昨已赦回今又去
去想因厥罪

要重科

題蘓仙樵詩冊

想已揮毫為性情
得來無句不天成
連朝手把君詩卷
絕勝山陰

道上行

絕艷驚才李翰林飄然詩思襟仙心而今除却仙樵子無復人虞

大雅音

跌宕名場意氣揚蘓杭風月入奚囊倘容再讀香蓮集一串珠編

字一行

食梅子口占

入手勻圓弄影纖流酸時澱齒牙尖味同橄欖回方美熟並櫻桃
摘豈嫌為憶開樽曾佐酒若論調鼎尚須鹽者番烟雨撐腸滿沁
到詩脾信口占

挽吳樵齋

死最虧君忍如何竟捨身卅年嘗偃蹇一子剩酸辛寂寂拋浮世
悠悠作古人生翮聊薄莫嗚咽泪沾巾

示吾兒敏之

維時汝六歲送汝入學堂經書初上口乍聽聲朗二為汝擇名師
願汝繼書香十一甫完篇十二去觀場荏苒二十四未獲展所長
昨裁裁在己命官坐文昌揭曉有姓氏一見喜欲狂雖然小功名
得之意氣揚得寸而得尺努力當自強

東籬芳暎世兄

先生風雅士心與古人期品誼松千尺精神菊一籥得閒惟飲酒

乘興便題詩我亦渾無事柴門但守雌

館中遣興

自分似囊螢殘編許乞靈心盟流水白髮如遠山青擊鉢詩三昧
迎門酒五經廣陵葉調古彈與解人聽

七夕

清淺銀河一葦過經年相會意如何雙星若果常離別不及人間

夫婦多

縱說雙星夫婦宿神仙久已斷情魔癡心乞巧樓中女下拜深深
祝渡河

感懷二首

我非王武子譽兒我何嘗既非燕山賓亦非馬氏常多男實多累
日夜費思量願為吳季札甘心學鄭莊自從立門戶楚漢各分疆
睚眦期報復覲面同參商甚操入室戈徃二聞闔牆况乎蛾眉交
潛煽論情但覺兒女長嗟二兄弟如手足手足扶持身體強汝曹
奈何輕毀傷

成家在勤儉刻薄不可為居心一刻薄百行早已虧人心不可昧
天心不可欺一心為利忘骨肉福不可求禍即隨回頭却憶生汝
時于汝各作式好期春園桃李花滿枝觴飛明月吹壙篴豈料田

荆忽分離豆在釜中然豆其前車不鑿後悔遲獨不思高堂雙鬢
白如絲

蝴蝶

雙雙飛過自隣墻滿院春風花正香任爾枝頭尋好夢前身果否
是蒙莊

杏花

開徧亭臺樹之苑出墻何處爛如霞一枝艷引尋論路十里香圍
賣酒家畫意分明和露寫春情無那倚風斜却嫌桃李還粗俗簪
向瓊林是此花

籠中山和尚

業為和尚不雲游該向樊籠作楚囚慙媿唐宮鸚鵡甚心經一卷
誦如流

自君之出矣

自君之出矣眉減遠山青思君如流水晝夜不曾停

紀荒竹枝詞

道光十四年
五六月事

今年真個大荒年沿路啼饑聽可憐縱使有錢無米糶十家九戶

斷炊烟

穀價三千一百斤不除籬位算新聞賣從籠戶還攬耗水米升錢

六十文

奪食紛紛日幾遭東西南北喊聲高富民更比貧民苦先作流民

各處逃時富戶有避居

明倫堂上議初成高脚牌兒寫得清大五小三論合糴大口三五合

街頭巷尾怨聲平

本地仍然穀不支運來臺米與臺絲出錢墊本本難得諸君

仗義為米與茹絲俱

大風雨歎

道光十四年六月十七日好風好雨兩兩星躔因好成癡箕與畢狂

眩飄忽撼林皋淫霖泛溢奔波濤一連三晝復三夜入耳愈聽聲
愈高襪襪瑟縮人如鶴徧地沮洳無立脚風伯太張威雨師太助
虐雷公靜使不與聞但見四野昏黑堆愁雲杜陵屋破猶小事早
禾淹沒何忍云可憐高田下田經水洗對此茫茫空流涕天轉豐
登作歉收下民無福食賤米

飯後戲作

家慶團樂入畫圖憐余何故不心娛事親酒肉弄常事爭奈曾元
寬亦無

和洪鈍人夜來香二截

花開滿架月初明
十朵垂三最有情
想是前身原姓薛
再從花裡著芳名
名園花放絕無塵
雅淡花宜雅淡人
試把素馨來比擬
綠雲白雪鬥精神
和洪鈺人秋夜喜雨元韻
盼斷秋空只放晴
連番望雨夢難成
今宵莫作尋常聽
徧慰三農是此聲

仙佛吟

過眼雲煙去不留
百年身世等浮沤
人生即是邯鄲夢
懶向純陽

借枕頭

焚香默坐費尋參何日深山結個庵我豈何曾嘗佞佛獨于米汁

願同龕

錢塘懷古

石鏡山頭照冕旒金戈一舉便投戈怒平脊種三千弩雄據東西
十四州節度門開崇正朔衣冠坐上萃名流試聽覘國圖澄語鼓

角聲中王氣過

金牛駐蹕小朝廷歌舞西湖半醉醒人望幽燕期報復天生韓岳
待調停虧他叔任稱無媿還我江山夢有靈一自北來長脚相靴

刀御殿涕徒零

西施

館娃宮殿鎖沉沉
夜舞朝歌寵眷深
大抵美人多敗國
為人報怨却無心

西施

虞姬

大王無面返江東
賤妾何聊泪洒紅
一種芳魂銷不盡
花開猶自舞春風

楊太真

名花多恐遜紅顏
沉醉沉香倚珮環
一自馬嵬傳藁葬
空留羅襪

在人間

趙飛燕

漢皇重色選宮妃
燕入昭陽殿裡飛
禍水可憐終滅火
披香學士

識先機

秋夜

蛩語細如箏
宵深夢未成
月華依竹靜
露氣襲蘭清
換劫碁子局
銷愁酒一觥
何當招歐九
重與賦秋聲

張子房

計冠陳平六出奇蕭曹事業亦肩隨
借籌漢祖憑雙箸奮擊秦皇
仗一椎避穀終為仙隱侶受書暫作帝王師
明知隆準同烏喙莫待弓藏悔已遲

周公瑾

年少周郎便得名東吳都督領麾旌
喬公門下交孫策先主營中
識孔明花擁珠簾才顧曲刀圍玉帳
又談兵最憐鏖戰收功後赤壁
留痕見尚驚

許十哥西湖泛月圖

租來艇子號瓜皮橫響琵琶聽最宜
雪水才消烟水活載將桃葉

弄連漪

東風吹送畫中船十里湖光分外妍為語銷金窩裏月何妨夜夜

一輪圓

代和詠菊元韻

秋花爛漫十分香譜入離騷第一章玉露半闌旋綴白金風滿徑
漸勻黃枝枝慣惹游蜂醉葉葉頻招戲蝶狂不向東皇爭早放肯
同桃杏鬥芬芳

采向東籬別有香悠然坐對正斜陽樊川入詠懸詩版栗里開懷
晉酒槍人到孤高矜品格花從平淡擅文章名園想見幽閒趣笑

指南山引興長

題山水畫頁

樓臺面枕山隈幾處柴門次第開有約相期紅樹裡欣看携杖

過橋來

峰圍住水雲鄉天送薰風一路香無限濃陰遮渡口扁舟恰繫

任追涼

金風引步興悠然路繞楓林正蜿蜒多少游人齊指道半山樓閣

住神仙

空山何處有人家才出縈紆石徑斜看遍滿天風雪景一鞭禿尾

踏寒沙

冬日偶成

俯仰乾坤且自由於人無忤亦無求祇憐呵凍售文債寒士偏多

冷應酬

質庫無錢贖不成無衣卒絀最關情御冬天賜黃棉襖但願節擔

日日晴

冬暖

共喜占春做寒消臘月中草翰三逕綠花駐一闌紅細雨廉纖雨
微二沒蕩風黑貂裘正敝送暖賴天工

感懷

不關頭腦太冬烘人過中年萬慮空極意癡聾猶得謗果然難做
是家翁

歲暮書懷

六十三年成底事回頭一笑總茫茫
檐且索梅花笑把盞憑浮
竹葉香修到神仙仍墮劫倘來富貴湯
登場願携雙履隨孫綽長
嘯蕪門學鳳凰

客中遣懷

身如瘦島與寒郊筮易應占蠱上爻
荏苒年華蛇赴壑艱難旅况

燕營巢共談美酒先心醉偶借奇書便手鈔天若怒遺娛蔗境騷
坦風月尚推敲

九日

陰雲蔽日壓重檐懶去登高且下簾兩鬢寒花吟杜牧一杯新酒
祝陶潛彭殤有命原難強富貴由天未易兼看破古今多少事自
無愁緒上眉尖

許軍門松年佩刀歌

鷓鴣膏凝三尺鐵摩挲着手平人血此刀鼓鑄自紅毛航海入貢
鯨鯢逃封儲武庫欽如寶賚予俾教妖氛掃軍門奉詔督巡洋矯

矯自命威繼光誓平醜類報皇帝賊船愈集氣愈厲爾時抽出紅
毛刀持刀指塵衝波濤水師操鍊一當百但見刀光一片白吁嗟
軍門勇絕倫手刃孫恩與盧循兵者凶器能殺人殺以止之兵乃
仁

過余梅川先師墓

道經紫霞山一井在其麓上有馬鬣封志銘尚可讀明經著頭銜
實為先師築憶昔追隨時請業操簡牘時余未弱冠辟呬蒙教育
往事信匆匆五十回寒燠愧無杯酒酬三步當痛腹爰為注寒泉
爰為擷叢菊詩人領青山千秋風月福

江心寺

梵王宮殿水中央
真個紅塵不到鄉
塔影雙流江月靜
鐘聲徐度海風長
衆山對酒開詩派
萬乘停舟避敵狂
放眼悠悠空即色
秋先畫出滿林霜

詠竹

不可居無竹調成此君致不同
移根丹竈畔馬真煉丹處有仙風

竹以疎為貴寫二十數竿時來林下立
相與話平安

讀石渠社長尊夫人佳作偶吟三截以志佩收之至代作

救罷拈毫寫性情
篇章傳誦世爭驚
溫柔敦厚風人旨
不媿閨中

學士名

道韞何容獨擅名左芬才調尚嫌平只今捧讀夫人稿一串珍珠
編乍成

十年學步愧無成勉強登場惹笑聲願與宣文作弟之石榴裙畔
拜先生

老少年

風繁園林葉之黃秋光忽復轉春光人間應少還童術願向花神
乞一方

重至寶香寺有感

昔年負笈從師至乾隆辛亥從梅川屈指星霜幾變更彌勒迎人

先一笑白頭仍是一書生余夫子讀書寺中

寺前浪挾西風急寺後山銜夕照明色相皆空名不朽讀書碑畔

吊忠貞

代挽許嫂端木孺人

無那傷心薤露歌薜華凋謝奈如何空床長簟淒涼夜君比元稹
淚更多

巾幘夙邀才子譽豈惟湯聖與鍼神彩雲一朵乘西而去只住人間

廿五春

新柳

腰肢孌娜曳芳塵一度春來一度新
姍殺漢南桓司馬可能長似
少年人

題徐笠山吉祥花畫冊

幾年未向集雲過不道名園秀氣多
瑞蔭當庭痕縹緲靈根繞砌
影婆娑紛披葉倚含煙潤爛湯花開帶露和
從此祥徵家與國吉
人吉士詠卷阿

游雁山不果偶得二十八字以志夙願未償終須一往也

每憶名山欲往從相思爭奈未相逢
待携竹杖芒鞋去題徧東西

百廿峰

夢游仙岩

才就邯鄲枕山靈便見招沿鐘明月路到寺虎溪橋梅雨當空瀑
松風何處簫歸途謝猿鶴後會待明宵

遣懷

少年佞弄一燈青嗜酒中年半醉醒腹似秦皇碑沒字怕聽人喚

老明經

髯鬚似雪鬢如絲左手持螯痛不支見說功名猶見獵飛騰事業
尚心癡

丁酉七月三十日作

去年此日一病垂危倖獲更生不能無感

去年如已死今日是週年婦女營羹飯兒孫化紙錢窮愁留傲骨
煩惱謝塵緣誰料邯鄲枕仍容轉忽眠

戊戌元旦試筆

園林雪後一枝斜桃李知春各孕葩記得乾隆前戊戌孫編修探
上林花

哭凝兒

纏綿一病七旬餘問卜求醫日不虛四十六年成歿世可憐爾命

竟何如

滿業肩挑聊糊口身亡家計略無存妻兒遺下誰供給父母何能

仗弟昆

人間死別最悲酸風雨淒涼月亦寒才哭亡兒旋哭妹一雙淚眼

不曾乾

撫棺一慟便聲吞一語終思與爾論地下若逢王父母還應代我

侍晨昏

館中口占

悵惘離家剛十里此心便作異鄉看誰憐飄泊如王桀自笑糊塗

似呂端老眼觀書嫌字小
敝裘被體怯春寒
傳來消息差強意
燕姑祥徵入夢蘭
昨得家報
又舉一孫

小默上人五十壽以自題面辭圖元韻見示索和

幾見詩僧復畫禪
書摹懷素得真筌
名應竺國稱三絕
身合蒲團坐十年
聚石高談空外相
拈花微笑靜中緣
平分百歲逢今日
從此籌添堯率天

郭李招邀日泛舟
紅塵了却總無求
芝苓濟世真岐伯
瓶鉢生涯老比丘
邱雲散萬峰憑仰止
月懸千嶂任勾留
羨君消受清閒福
慚媿如余枉白頭

感懷

老病復何求
灰心萬事休
但憑雙眼淚
為寫滿腔愁
塵世思如夢
錢神見若讎
不堪回首處
詩酒舊風流

春暮

獨坐無聊喚奈何
先陰容易擲如梭
稱衡懷刺知音少
殷浩書空怪事多
百草怒生春晚晚
一樽痛飲夜婆娑
巫咸見名期仍展
未了邯鄲枕上磨

己卯八月錄於耕讀亭



溫州市圖書館

溫州市圖書館